

欽定科場條例

欽定科場條例卷五十四

試下第舉人

下第舉人回籍

現行事例

一各省下第舉人給與批迴。禮部按照龍門點名冊查明曾否入場。並將在京取結入場。及臨場報明事故者。逐一知照各該督撫。以便覈銷水腳銀兩。

一各省現任教職會試下第者。於揭曉後五日

內赴禮部領給執照。依限回任。該督撫仍將到任日期。並原領執照。繳部查覈。逾限者。送吏部議處。

一教職會試中式後引

見歸班者。仍赴禮部領照。依限回任。

例案

雍正二年覆准。查向例會試下第舉人。給與路引。以便下科起文會試。發榜後。禮部卽劄行順天府。並發直省點名原冊。令照例逐名給發。嗣

乾隆十年覆准。福建學政吳嗣爵奏稱。查本年
正值會試之期。教職例得會試。其由明通舉人
出身者尤多。請咨赴禮部於會試發榜後。查明
未經中式教職。卽給照勒限回任。庶員缺不致
久懸等語。查各省教職領咨赴京會試者。禮部
例於揭曉後。查明未經中式之員。給發批文。令
赴部。毋得留難。

其回任。但並未定有期限。誠恐該教職等久留京城。致曠厥職。亦未可定。嗣後會試教職。應於揭曉之日。禮部查明未經中式之員。除給發批文外。命該教職等。於揭曉後五日內。赴部領照。卽行起程回任。仍令該督撫。將該教職等回任日期。報部查覈。

乾隆三十六年。吏部議覆河南學政嵩貴條奏。查定例。各省官員。由京領憑赴任。按照程途遠近。給予限期。違限一月以上。罰俸二個月。兩月

以上。罰俸六個月。三月以上。降一級調用。四月以上。降二級調用。五月以上。降三級調用。半年以上。革職。不及一月者。免議。如係中途患病。以及風水阻滯等情。呈明該地方官驗明。取結具報。在三月以內者。准其扣除。三月以外。卽取有印結。亦止准扣除三月之限。其餘仍按違限月日。分別查議。逾限十日以外。卽照違限一月例議處。今該學政奏稱。教官會試回任。惟有揭曉後五日領照之限。恐出京後。或稽留親友任所。

或乘便回籍。應酌定限期處分。以杜遷延。請嗣後教官會試回任限期。及違限處分。俱照回任官員例辦理。禮部於給發執照內。按照省分遠近。填明限期。該員回任後。該督撫將原領執照。咨繳禮部查覈。若有遲逾。咨送禮部查議。

順天限十日。奉天限三十日。直隸限二十日。江蘇省。江寧常州鎮江限四十五日。淮安揚州徐州海州限四十日。蘇州松江通州限五十日。太倉州限五十五日。安徽省。安慶寧國滁州六安

州和州限五十五日。池州太平廬州泗州限五十日。徽州限六十日。鳳陽限四十日。潁州限四十五日。廣德州限六十五日。山東省。濟南兗州東昌青州泰安武定限三十日。登州萊州沂州限四十日。曹州限三十五日。山西省。太原潞安汾州大同寧武朔平遼州沁州忻州保德州平定州代州限三十日。平陽澤州霍州隰州限三十五日。蒲州解州絳州吉州限四十日。河南省。開封歸德彰德衛輝限三十日。懷慶河南陳州

許州汝州限三十五日。南陽汝寧限四十日。陝州光州限四十五日。陝西省。西安延安同州商州鄜州限五十日。鳳翔漢中邠州乾州限五十日。榆林綏德州限四十日。興安限六十五日。甘肅省。平涼鞏昌蘭州階州限五十五日。慶陽寧夏限六十日。西寧涼州甘州限七十日。秦州限五十日。肅州限八十五日。安西州限一百日。巴里坤之鎮西府限一百二十日。烏魯木齊之迪化州限一百四十日。浙江省。杭州紹興寧波

限五十五日。湖州嘉興限五十日。金華衢州嚴
州限六十日。温州處州台州限六十五日。江西
省。南昌饒州廣信建昌南康撫州臨江瑞州袁
州限六十日。九江限五十五日。吉安限六十五
日。贛州限七十日。南安限七十五日。寧都州限
七十五日。福建省。福州興化泉州邵武限八十
日。延平建寧汀州限七十日。漳州福寧限八十
五日。臺灣限一百十日。永春州限九十日。龍巖
州限一百日。湖北省。武昌漢陽德安襄陽限五

十日。安陸。鄖陽。黃州。荊州。限五十五日。宜昌。限
七十日。施南。限八十五日。湖南省。長沙。常德。限
七十日。岳州。澧州。限六十五日。寶慶。永州。永順。
限八十日。衡州。辰州。限七十五日。沅州。桂陽州。
郴州。限八十五日。靖州。限九十日。四川省。成都。
潼川。綿州。限八十日。寧遠。夔州。眉州。邛州。茂州。
限八十五日。順慶。嘉定。資州。限九十日。敘州。重
慶。瀘州。限九十五日。保寧。限一百日。雅州。限一
百五日。龍安。限一百十日。忠州。綏定。限一百十

五日。西陽州限一百二十五日。廣東省廣州肇
慶限九十日。韶州南雄州限八十日。惠州限九
十五日。高州限一百日。廉州雷州羅定州限一
百五日。潮州瓊州嘉應州連州限一百十日。廣
西省桂林平樂限一百日。柳州慶遠梧州潯州
限一百五日。思恩南寧太平泗城限一百十日。
鎮安限一百三十日。鬱林州限一百二十五日。
雲南省雲南臨安楚雄澂江廣西州曲靖武定
州東川昭通限一百十日。大理景東廳順寧鶴

慶蒙化廳永昌永北廳元江州開化限一百十
五日。廣南麗江鎮沅州普洱限一百二十日。貴
州省。貴陽思南鎮遠都勻平越州安順興義遵
義限一百日。思州限九十五日。石阡黎平限八
十日。銅仁限九十日。大定限一百十日。威寧限
一百五日。

嘉慶八年禮部具奏。據雲南巡撫咨稱。有太和
縣舉人李鍾璧。現任易門縣教諭。壬戌會試之
後。既未回任。亦未見吏部開缺選人。而部發

殿試題石
各查到部臣等以李鍾璧已蒙

欽點庶吉士其教諭例應開缺何以竟致遺漏當即詳查錯誤之故緣會試

殿試題名錄俱照榜文書寫而榜文則以錄條爲據提查李鍾璧原卷已註明易門縣教諭則是寫錄條時遺漏此五字以致相因而誤遂於行吏部開缺文內亦遺漏開此一缺實爲錯誤但錄條係十八房輪流書寫衆手紛紜事已隔年

萬不能知出某人之手。無憑查議。至正副考官知貢舉暨提調等官。均有監視之責。應一併交部議處。其

殿試錄訛寫李鍾璧籍貫之處。應將該提調另作一案議處。李鍾璧係現任教諭。如會試不中。卽應領照依限回任。倘逾限不回。卽應查叅。計自上年四月初揭曉。至今歲二月已將及一年。該部司並不查詢。李鍾璧因何不歸。至今始以部書不符咨部。屬不合。應請

旨交部察議等因奉

旨依議欽此。

道光十五年四川綏定府城口廳訓導彭雲漢呈請補投咨文懇給回照等因。查四川舉人彭雲漢本年會試取結入場。並不將現任訓導在籍業經請咨之處。據實呈明。殊屬不合。除補發該員回任執照。迅速回籍外。應知照吏部辦理。道光二十九年吏部片查福建連城縣訓導陳金城於二十七年會試後。有無給照回任。經本

部查明該員所領執照未據該撫咨繳嗣後該員呈稱二十七年會試後領回任執照起程行至半途聞開順天捐輸折回來京報捐雙月主事因銓選無期遵例續捐奉

旨雙月主事陳金城著以主事不論雙單月選用並分部行走欽此未經回任呈繳執照等因查科場條例內載現任教職會試下第者赴部領照依限回任逾限者送吏部議處又載如係中途患病以及風水阻滯等因呈明地方官驗明在三月以

內准其扣除。又載福建汀州府限七十日回任各等語。今該員自二十七年四月二十七日赴部領照。原限七十日。茲於二十九年二月初五日取結赴部承繳。該員回任繳照。日期久經逾限。除將原照查銷外。當卽知照吏部。

附載舊例

雍正二年奉

上諭。上年天下舉人會試來過一次。今年來會試者甚多。恐往還道路。及在京守候盤費。均難接濟。特加恩賞。將入場之雲南廣東廣西貴州四川五省舉人。每名賞銀十兩。福建浙江江南江西湖廣陝西六省舉人。每名賞銀七兩。直隸山東河南山西四省舉人。每

名賞銀五兩。禮部務按進場舉人名籍。查明給與本
身。俾得均沾實惠。卽於明日出榜時。一同出示曉諭。
勿致稽遲遺漏。欽此。

雍正五年奉

上諭。會試下第舉子。著每人賞給盤費銀五兩。欽此。

雍正八年遵

旨擬派賞賜下第舉人盤費銀兩。雲南貴州二省。每人

七兩。四川廣東廣西三省。每人六兩。福建浙江
江南江西湖廣陝西六省。每人五兩。河南山西
山東三省。每人四兩。直隸一省。每人三兩。其在
京中善舉人等。仍照上科之例。不必發給。

欽定科場條例卷五十五

殿試

題派事宜

現行事例

一會試中式貢士於四月二十一日對策於

保和殿其應行事宜禮部先期具題得

旨通行各衙門遵照

一題派讀卷官開列大學士及由進士出身之

內閣學士尚書侍郎左都御史左副都御史各

職名一體開列恭請

欽簡大學士二人。部院大臣六人。至執事各官開列

內閣侍讀學士。及翰林院讀講學士。詹事府中

贊以下各職名。暨光祿寺鴻臚寺漢堂官。給事

中。御史禮部司官。各職名分別清單。監試開御

內閣翰詹各官及給事中。禮部司官。彌封開光

祿寺鴻臚寺漢堂官。餘均如受卷官。收掌。開內

閣翰詹及禮部司官。印卷。開

禮部司官。填榜。開內閣中書。恭請

欽派監試御史四員。受卷官四員。彌封官六員。收掌

官四員。印卷官二員。填榜官十一員。均於

殿試前一日具奏預行知會各該員於是日朝服
齊集

午門聽候宣

告其應派王公大臣監試交領侍衛內大臣具奏

一開列讀卷銜名有本員聲明迴避及宣

告之日適值進班出班者均另單開寫詳註緣由一

併

呈

覽

一讀卷大臣除本身有例應迴避者仍另單註明迴避外其本科正副總裁知貢舉禮部堂官均一體開列。

一刊刷題目時由禮部先期奏派護軍統領一員帶領護軍校護軍等在內閣前後兩門外巡查嚴禁窺探。

一試日由禮部先期奏派護軍統領二員在中左

中右兩門專司稽查。

一試日。凡應行執事人員。由禮部先備名冊。知照值日護軍統領。於諸貢士點名放入後。一同隨進。事畢卽行退出。

一試日。巡邏侍衛護軍。交領侍衛內大臣護軍統領。派出代攜貢士筆硯之校尉。交鑾儀衛派出。預備茶水等事。令太監等經管。禮部先期具奏。得。

旨。將貢士名數。行知各該衙門辦理。仍令鑾儀衛漢堂官及滿洲漢司官。於試前一日。會同禮部司

官督率校尉於試案上黏貼各貢士名次籤。前

日鑒儀衛官率校尉赴部領給腰牌並令校尉於試日代攜貢士

筆硯送至

殿階下卽行退出仍於

中左門外候接。

例案

順治十五年題准提調用禮部堂官監試用監

察御史受卷彌封掌卷用內院侍讀學士以下

官。

按內三院久已裁汰現係開列內閣侍讀學士侍讀翰林院讀講學士以下及詹事府中

允。黃善等官。彌封兼用。光祿寺。鴻臚寺。漢堂官。禮部司官。六科給事中。

等官。

按。收掌官。不開列給事中。

印卷用禮部司官。供給用光

祿寺。禮部司廳等官。寫榜用內院禮部等官。

按。現

行例。供給用光祿寺官。寫榜用內閣中書。均不用禮部官。

又定。禮部堂官。除提調外。亦准開列讀卷。

乾隆二十五年議准。每科

殿試。不過二百餘卷。舊例用十四人讀卷。未免過

多。應請量行裁減。派用八員內。

欽簡大學士二員。其餘六員。照會試總裁之例。將應行

開列人員請

旨欽點其執事人員內監試及收掌官俱應在

文華殿住宿除監試御史仍用四員外其收掌官
向用十員亦屬過多今擬減作四員足資辦理

乾隆三十六年奏准查向例

殿試應用監試御史四員受卷官十員彌封官十
二員收掌官四員印卷官四員填榜官十八員
共五十二員由禮部於內閣翰林院都察院等
衙門移取職名題請

用。自屬慎重襄事之意。但受卷彌封等事。本不甚繁。而每項派至十人。或十餘人。殊覺過多。應請將受卷官改爲四員。彌封官改爲六員。印卷官改爲二員。其填榜官書寫清漢字樣。需人較多。應改爲十二員。於應辦事宜。旣敷經理。尤專責成。再查屢科禮部題派執事官。例於開具清單內。將何衙門應用幾員之處。分晰請

旨簡派。亦屬未協。應請於清單內。惟將各項執事應用員數。分別請

旨恭候

欽點。其聲明各衙門應用幾員之例。並行停止。至各項執事人員內。有應用禮部筆帖式者。向例一併開入單內。應請嗣後屆期酌量委用。無庸一體開列。以符體制。

乾隆四十八年議准。內閣刊刻題紙時。應派撥護軍校護軍。於內閣前後兩門外。嚴加巡查。以昭嚴肅等因。奉

旨。依議。其內閣刊刻題紙時。著派護軍統領一員。帶領

護軍校等。在彼嚴密稽查。著爲例。欽此。

乾隆五十四年奉

上諭。新進士殿試。著在保和殿考試。所有預備茶水等事。不必護軍校尉人等伺候。卽照正大光明殿考試之例。令太監等經管。光祿寺亦無庸預備飯食。朝考卽照此辦理。欽此。

又議准。此次新進士

殿試。奉

旨。改於保和殿考試。應令校尉代攜考具。送至

殿內

現行事例在殿階下。即行退出。仍於

昭德門

貞度門外。

現行事例在門外。候接。其在外巡察護軍。仍

照向例辦理。向來派隨新進士護軍。毋庸派撥。

嘉慶十年奉

旨。上年因兵部奏摺內有滿蒙二字。曾經通飭大小各衙門。於呈遞章疏內。有應寫滿洲蒙古之處。當加意檢點。無得減去下一字。並將兵部堂司官。分別交議。此次禮部具奏殿試貢士名數摺內。又有滿蒙漢字。

樣殊屬不合。所有未經看出之禮部堂官。著交部察議承辦司員。著交部議處。欽此。

道光六年。軍機大臣面奉

諭旨。本科殿試。及新進士朝考。開列讀卷閱卷銜名。除公共應行迴避。向不開列各員外。其有本員聲明迴避。及宣旨之日。適值進班出班者。均著另單開寫。詳註緣由。一併呈覽。嗣後卽照此辦理。欽此。

道光十二年奉

旨。前據御史奎麟奏。參兵部辦理武殿試。僅派書吏一

名將派出各員姓名抄錄草單貼於朝房門柱。竇屬
草率。當降旨交兵部查明具奏。茲具奏稱承辦司員
先到午門。旋即同署辦公。奏派原摺。到朝房時。承值
書吏。隨按圖出姓名。開寫清單。黏貼朝房門柱。雖據
查明單內所開。並無舛錯。字跡亦尚端楷。惟該司員
先行同署。並未在彼照料。究屬疎忽。所有承辦司員。
著查取職名。交部察議。嗣後凡遇各項考試。該承辦
衙門。務飭承辦司員。親自照料。不得僅派書吏以昭
詳慎。欽此。

道光十五年軍機大臣面奉

諭旨。嗣後新貢士覆試殿試朝考。閱卷讀卷大臣。除本身有例應迴避者。仍照向例迴避外。其本科正副總裁知貢舉禮部堂官。均著一體開列。欽此。

道光二十四年奉

上諭。此次殿試。著派護軍統領玉明珠勒亨。在中左中右兩門。認真稽查。當日分散題紙後。所有差使人員。一併散出。除校尉人等。應代攜考具。隨同士子入出外。其餘官員閒雜人等。一概不准擅入窺探。如有不

遵法令。私進禁門者。卽行指拏。交刑部治罪。嗣後每遇殿試朝考。均著該部先期奏派護軍統領二人在該二門專司稽查。欽此。

附載舊例

順治十五年題准。禮部題請。讀卷官將內三院詹事府。吏戶兵刑工五部。都察院。通政使司。大理寺。各衙門堂官。通行開列。恭請

欽點十四員。受卷。彌封。掌卷。用內院典籍撰文。辦事中書等官。巡綽。用鑾儀衛。

乾隆十年奉

上諭。向來會試之期。在二月。則三月發榜。四月殿試。雍正五年。乾隆二年。會試改期三月。則四月發榜。五月初間殿試。朕思五月天氣漸熱。向改殿試之期者。因三月會試。係同一舉行之事。今三月會試。已著爲定。

例則殿試之期自康熙間量變通著自今科爲始於四月二十六日殿試五月初一日傳臚該部通行曉諭知之欽此

嘉慶元年奏准向例

殿試前一日在內閣刊刻題紙例由臣部奏派護軍統領一員帶領護軍校等嚴密稽查此次殿試題紙在

圓明園刊刻應卽令管理

圓明園大臣就近派員嚴密稽查毋庸另派護軍統領

殿試

殿試讀卷

現行事例

一

殿試禮節。於前三日恭進。

旨下。通行各衙門。及執事各官。

禮節

四月二十一日

殿試。

欽點讀卷大臣於二十日密擬策問進

呈

御覽恭請

欽定後。讀卷大臣捧至內閣。密行刊刻。護軍統領。帶領護軍校等。在內閣門外。嚴密稽查。是日鴻臚寺官。設黃案於

保和殿內東旁。又設黃案於

保和殿外丹陛上正中。光祿寺安排試桌於

保和殿內兩旁。禮部同鑒儀衛漢堂官。督率員役

粘黃士各次於桌上二十一日黎明內閣
朝服捧題設於

保和殿內東旁黃案上諸貢士單名次於

昭德門外雙名次於

貞度門外禮部堂官二員分東西點名給卷鑾儀
衛校尉代執筆硯考具禮部及鴻臚寺官皆朝
服帶領貢士由

中左右門魚貫入序立於丹陛東西之末讀卷執
事各官皆朝服序立於丹陛東內閣大學士一

人進

殿左門至案前奉策題由

保和殿中門闌左出至檐下授禮部堂官禮部堂
官跪受興由中路至丹陛跪設於案行三叩禮
退鴻臚寺官引讀卷執事各官就丹陛拜位北
面立聽贊行三跪九叩禮興退次分引貢士就
丹陛東西拜位重行北面立禮部官舉題案至丹陛下
叩禮禮畢仍北面立禮部官舉題案至丹陛下
諸貢士跪禮部司官散題諸貢士跪受興行三

叩禮興鴻臚寺官引貢士各赴試案對策交卷
以日入爲度讀卷大臣出候於內閣諸貢士對
策畢受卷彌封等官俱於

中左門下收卷彌封畢盛入卷箱交收掌官送讀
卷大臣公閱二十二二十三等日讀卷大臣閱
卷畢擬定前列十卷於二十四日黎明進

呈

欽定後吏部禮部司官預傳前十卷貢士由讀卷大
臣帶領引

見恭候

欽定甲第名次讀卷大臣將原卷捧至紅本房前三
卷填寫一甲第幾名。後七卷填寫二甲第幾名。
交內閣列入金榜。二十五日

陞殿傳臚

一行工部備大小黃案各一送

保和殿鴻臚寺派員陳設行內務府開

殿上榻扇設黃案衣行光祿寺將貢士考案於

保和殿內兩旁排設

一士子由中書及各館謄錄中式者

殿試前不許在內閣

誥勅房

國史館等處住宿。以絕囑託探聽等弊。

一貢士試卷及草本俱由禮部製備。正卷前一頁親書履歷籍貫三代。卷面及中間接縫處。蓋用禮部堂印。草本前一頁開明一定款式。面亦蓋用堂印。仍分別雙單名次。封入箱內。行工部備卷箱鎖鑰試日送至。

中左右門外東西點名給卷如有私帶坊間草本者查出以夾帶論。

一刊刻策題用刻字匠四十名。刷字匠二十名。於前二日赴內閣伺候。劉順天府預行送部轉送內閣。

一讀卷官執事等官。每日供給。及供事匠役飯食。行光祿寺預備。仍令先將承辦官員職名。於四月十五日前送部。

一各貢士由

行

殿試者。查明交彌封收掌官。另行封送讀卷大臣。
不得置入前十卷。丁憂服闋。補行
殿試者。不在此例。

一讀卷官在

文華殿閱卷。行知內閣典籍廳翰林院內務府。其
應用炕案。行工部於前一日送

文華殿兩廊安設。仍如式鋪設打掃。

一閱卷日。讀卷大臣及監試御史收掌官。均住

宿

文華殿兩廊其門工上啟開交與
景運門護軍統領派撥護軍管理。

例案

乾隆四年奏准舊例補行

殿試之卷例不呈

覽以杜規避其中丁憂回籍服闋補試者原無情弊嗣

後凡補行

殿試人員除從前告病有涉規避者仍照舊例辦

理外丁憂服闋補試者無庸分別。

又奉

上諭。向來新科進士於殿試之前。有呈送頌聯之陋習。近來此風又覺漸熾。夫士子進身之始。卽從事於請託奔競。則將來服官。尙安望其有所樹立。以備國家之用。而大臣等亦宜清白乃心。絕請託之私。爲國家培正材著。該部出示通行曉諭。嚴加禁止。倘有違旨。仍蹈故轍者。經朕訪聞。或科道官員叅奏。必將與受之人一體從重治罪。欽此。

又奉

正諭向來殿試策中俱用頌聯。以致士子得以預先撰擬分送請託。致滋弊端。況士子進身之始。而卽習爲獻諛之辭。尤非導之以正。古人對策中無此體裁也。今當殿試之期。朕親製策問之題。不拘舊式。以免諸生預先揣摩。諸生策內不許用四六頌聯。但取文理明通。敷陳切當。不必泥於成格。限於字數。此次試期已近。倘有不盡一之處。亦不以此爲去取。臨期有告病託故不致者。著禮部奏聞。將來如何酌定款式。著

大學士九卿會議具奏。欽此。遵

旨酌定規模。應取歷朝流傳誦習之文。以爲成式。如漢則鼂錯董仲舒。唐則劉蕡。宋則蘇軾。雖其短長不同。要皆條對明切。古茂博暢。平時誦之。旣可以益士人之學問。而對策倣之。復有以佐

大廷之敷陳。應請通飭各省學臣。廣行曉諭。俾士子知悉。務期貫穿古今。陶鑄經史。服習旣久。規矩在心。承問條對時。自必有斐然可觀者矣。再殿試試卷。舊無橫格。嗣後貢士等。果有通達治體。

學問淹通者聽其發揮不必限以字數惟最短者亦必一千字爲率不及一千字者以不入式論至於四六頌聯併一切膚泛套語概不准復用其前幅策冒十四行後幅空白十四行原非古式不必拘泥惟承問逐條詳對起處仍書臣

對臣間字樣訖處仍書臣草茅新進云云字樣

嘉慶八年奏准改爲末學新進以昭畫一

乾隆二十五年四川道監察御史朱嵇奏准

殿試閱卷皆係

特派大臣自無不矢公矢慎然行之既久恐不無懈弛
伏思鄉會試皆有監試獨

殿試後閱卷未經設立士子於會試中式後或預
擬策問抄寫詩篇藉言講究書法潛送應當閱
卷之人其間難保無認識字跡之弊應請倣照
內場監試例於閱卷日請

旨派王公大臣及科道官員監試專察閱卷情形有無
認識筆跡以及爭執名次之弊庶整齊嚴肅而
甲第不懼其不公矣至閱卷既定十名進

呈讀卷之後。卽定鼎甲三名。敬請於閱卷大臣議
定十名之後。會同監試拆去彌封。不得復行更
調。至進

呈之日。該管衙門卽將十名帶領引

見恭候

欽定甲第。仍於次日傳臚。於向例既無變更。而於命官
之意。益彰詳慎。

又奉

上諭。廷試士子。爲掄才大典。向來讀卷諸臣。率以

書法而於策文。則惟取其中無疵類。不礙充選而已。敷奏以言。特爲拜獻先資。而就文與字較。則對策自重於書法。如果文義醇茂。字畫端楷。自屬文字兼優。固爲及格之選。若其人繕錄不能盡工。字在丙而文在甲者。以視文字均屬乙等。可以調停入彀之人。自當使之出一頭地。況此日字學稍疎。將來如遇館選。何難臨池習之。倘專以字爲進退。兼恐讀卷官有素識貢士筆跡者。轉以此藉口滋弊。非射策決科本義也。現在定例。擬選十卷進呈。須俟引見始定名次。衡

文尙待觀人。而閱卷時。竟先抑文重字可乎。又向來
讀卷官。雖例不回寓。然皆各覓公所散住。地非鎖院。
人得自由。在監試王公大臣等。既不能各分一員。同
居糾察。而讀卷諸臣從容退息。亦何不可遣人回家
潛通消息者。此而置之不問。則凡鄉會試之設法關
防。又何取焉。且試策不過一二日卷。以十四人公閱。
卽一二日亦可竣事。乃遲至三三五日始行進呈。晨集
暮散。輾轉需時。於形跡尤爲未便。如著大學士九卿等。
將嗣後讀卷官。如何叅覈文字。必令取擇適中。並作

何住居監察。刻期竣事之處。一併詳悉議奏。以協朕期於名實俱副。肅清衡校之至意。欽此。經大學士九卿議准。本年

殿試。欽奉

上諭。令於傳臚前一日。將擬定十卷進呈。卽於本日帶領引

見詳覈文品。始定名次。而閱卷取擇之方。猶有未當。誠如

聖諭。率多偏重書法。而於策文。則惟取其中無疵類不

礙充選者伏思

臨軒策士。本欲得明體達用。文義醇茂之卷。拔置上第。以備他日之用。而讀卷諸臣。未免擇其書寫精工者。始行充選。轉若嚴於字跡。而寬於文格。非所以示權衡之準。得輕重之宜也。應遵奉

諭旨。叅覈文字。務令取擇適中。除條對精詳。楷法莊雅者。儘登上選外。其有繕錄不能甚工。而援據典確。曉暢時務。即爲有本有用之才。亦應列爲上卷。若對策敷衍成文。全無根據。即書法可觀。亦

不得充選進

呈如此則實學能文者共知所勸而淺陋者無能倖獲掄才之典實有裨益又奉

聖諭讀卷官各覓公所散住非設法防閑之意應酌議

作何居住監察一併詳悉議奏查向來讀卷大臣俱在內閣本年經臣來保等奏明在

文華殿閱卷而諸臣歇宿仍照舊於

禁掖近便公所分處於關防之法不無稍疎應請
卽於

文華殿兩廊並

傳心殿之前後房間。令讀卷官及監察之王公大臣。科道收掌等官。一同住宿。自閱卷以後。其門上啟閉。交與

景運門護軍統領。撥派護軍管理。每日供給。例係光祿寺備辦。應令派出員役。運送飯桌。以省人役出入之煩。其閱卷處所需一應器用物件。交工部辦理。

乾隆二十六年奏准。四月二十日以前。磨勘前

後事宜。但可完竣。謹擬於四月二十一日舉行殿試。二十五日恭請

陸殿傳臚。

按乾隆六十年乙卯四月十七日

殿試二十日傳臚。

恩科。

又奉

上諭。讀卷官所進策目問條。向有由內閣預擬之陋例。漏洩揣摩。不可不預防其弊。應一概禁止。屆期令讀卷官密擬策問進呈。候朕裁定發齋刊刻。著爲令。欽此。

乾隆二十八年。讀卷官大學士來保等面奉

諭旨。嗣後殿試進呈十卷。不必預拆彌封。候朕閱定後。再行按名傳齊。帶領引見。欽此。

乾隆三十六年奉

上諭。前因殿試對策貢士等多用頌聯。甚非先資拜獻之道。屢經降旨飭禁。今日讀卷諸臣。將擬定十卷進呈。閱其文詞。仍未免頌多規少。其間且有語涉瑞應者。朕意深爲不取。夫文章華實不同。即繫士習淳漓之辨。貢士等進身伊始。若徒摶摭浮辭。習爲諛頌。豈敦尙實學本意。現就各卷中。擇其立言稍知體段。不

致過事鋪張者。拔列前茅。其措詞近浮。及引用字句失當之卷。酌量抑置。以昭激勸。並將此旨通行曉諭知之。欽此。

乾隆四十六年奉

上諭。向來殿試新進士。有至次早始交卷者。雖伊等草茅新進。對場之始。未免矜持。但考試給燭最滋弊竇。至於連宵達旦。則更長人倦。防閑更未能周。且朝考例作四題。尙不過日入完場。而殿試對策一道。窮日之力。寫作已可從容。何必焚膏繼晷。始得成章乎。况

殿廷重地。尤宜謹慎。嗣後殿試交卷。至遲亦以日入爲度。不得仍准給燭。其不能完卷者。仍准列入三甲末。士子等各宜自勉。以副朕剔弊遴才之至意。欽此。

乾隆四十八年議准。士子撰擬策冒。先期分送之弊。應嚴行杜絕。其有泛寫套語。不准濫置前茅。後幅空白十四行。應一併申明定例。不拘字數。倘應試士子。仍有前期請託分送。一經察出。嚴加治罪。至讀卷大臣。務取文理明通。不必限於字數。其有條對詳明。篇幅充暢者。固不必繩

以字數之多。即或言簡意該。指陳切實者。亦不必斥其字數之少。但不及一千字者。仍以不入式論。又

殿試策草本。由禮部辦理給發。將應用一定款式。開載明白。鈐用印信。與正卷一同散給。其有復帶坊間草本。查出以來帶論。完卷時。交禮部堂官。會同監試御史。受卷官查收。另行封固收貯。臚唱後。交察看標識大臣。一併查覈。再查向來殿試正卷式樣甚長。字體亦大。士子書寫不易。每

至次早始能交卷前歲欽奉

諭旨。殿試以日入爲度。不准給燭。士子等草茅新進。或轉因趕緊繕寫。以致潦草塞責。請將卷式仍照翰林散館試卷式樣。字體畧小。繕寫稍易。足盡士子一日之長。又士子由中書及各館謄錄中式者。往往即在內閣

誥勅房

國史館等處住宿。囑託探聽。理應嚴爲防範。應交各該管官於

殿試前詳細稽查。除各該處應行值宿官役外。倘有中式舉人。在內私自住宿者。查出即行叅奏。交部治罪。

乾隆五十三年奏

上諭。吳省欽奏。殿試朝考。散館大考。請頒發內府圖章。鈐記試卷一節。意在防範抽換。但內府所貯寶章。乃御用之件。卽係尋常間散圖篆。亦不值於試卷紛紛鈐用。已有旨令監試大臣。逐卷畫押。以作標記矣。欽此。

嘉慶八年奏准查貢士

殿試卷尾向例應書草茅新進字樣。今宗室人員應試。加以草茅二字。似爲未協。若僅將宗室貢士卷尾換易字樣。又恐易於認識。亦非慎重關防之道。應請嗣後貢士

殿試卷尾。草茅新進字樣。一體改爲末學新進。以符體制。而昭畫一。

嘉慶十三年奉

上諭。日前駐蹕香山。於召見英和時。詢以散館閱卷。及

殿試讀卷。伊是否開列。據奏均開列候派。及本日內閣禮部呈遞兩項名單內。俱無英和之名。當令軍機大臣傳旨詢問。據稱散館閱卷已開送內閣。其殿試讀卷大臣。例應在紫禁城內住宿數日。伊現兼左翼總兵。在園駐班。未便擅離。是以未經開送等語。除散館閱卷當交內閣查明。此次散館庶吉士。係乙丑科英和充副總裁時所取貢士。照例扣除。是英和於單內未經開列。尙無不合。惟於殿試讀卷。英和即使開列派出。其圓明園值班事務。亦可奏交福會暫爲代

理何以因此不行開送未免有意推托殊屬非是英和著交部察議。欽此。

道光五年吏部奏都察院筆帖式議敘漢字堂主事中式癸未科貢士麟魁可否暫停銓選一摺。奉

旨麟魁著暫停銓選。俟明歲補行殿試引見後再行照例辦理。欽此。

道光六年奉

旨托津等奏殿試試卷內有一卷將首頁悞行彌封著

交吏部查取彌封官職名。照例議處。欽此。

道光十三年奉

上諭。本日殿試新進士前十本進呈。經朕親定。已拆彌封。填寫名次矣。其餘二甲三甲進士卷。著原派之收掌官四員。在內閣嚴密關防。並著監試御史各二員。每日輪流在內稽查。不許預先宣洩。俟二十九日前。十名進士帶領引見後。再行拆閱彌封。填寫金榜等因。欽此。

道光二十四年。據分發江蘇試用知州魏源呈。

稱係湖南邵陽縣人。由候補內閣中書中式本年會試貢士。因磨勘停

殿試一科。嗣於江蘇捐輸議敘案內。分發江蘇以知州補用。查大洮舉人分發到省試用。未補用。未署事以前。仍准來京會試。情願援照此例。分發江蘇試用。於明年由江蘇請咨來京補行殿試等情。應准其由江蘇巡撫於明年會試前。確查如未委署地方。卽聲明給咨赴部補行殿試。

道光三十年奉

上諭。昨據御史戴綱孫奏。殿試爲掄才鉅典。不宜專
尙楷字。本日候補京堂張錫庚奏。貢士試策聽其
發揮。不必限以字數。並請刪去頌聯。兼請復開博
學鴻詞科。以廣儲人才等語。策語向無限字之例。
頌聯舊習。從前曾奉

旨戒諸貢士刪去。惟士子日久相沿。襲成惡套。其應如
何剴切示諭。及開詞科有無裨益之處。均著禮部
悉心妥議具奏。欽此。嗣經禮部將向例刷印之對

策款式副本附摺進

呈奏准另行刊刷。於貢士納卷時。人給一紙。令其

敬謹遵照。

附載舊例

順治初年定。

殿試時務策一道。

雍正元年奉

上諭。前會試舉人已經中式者。除過犯黜革外。其有因殿試謄寫錯悞。不合體式。及有事故不得考者。著禮兵二部。察明覈實。准其再行殿試。欽此。

乾隆四十五年奉

旨。將本年殿試朝考諸事官。逐一預備。以便回鑾後次第舉行。欽此。經大學士公阿桂等奏准。五月初十日。太和殿殿試。進士十三日。

保和殿朝考。十四日帶領前十卷引

見。十五日

見。陞殿傳臚。十七十八兩日。帶領新進士引

見。

乾隆四十九年。大學士公阿桂奏准恭照此次聖駕南巡。於四月二十四日回京。距五月

啟蹕巡幸山莊。爲期甚近。所有考試一切事宜。似應於

五月初四日

北郊大典以前。次第辦竣。臣悉心酌擬。於四月二十六

日。

太和殿殿試新進士。二十七日。在

正大光明殿考試散館庶吉士。二十八日。舉行

朝考。二十九日帶領

殿試前十卷引

見。三十日

見。陞殿傳臚。五月初二日帶領新進士引

見。

嘉慶元年奏准。本年

殿試卷彌封畢。用箱盛貯。交收掌官送至
闕明園。交讀卷大臣公閱。進

呈

欽定後。將前十卷拆卷彌封。傳集該貢士等。由讀卷大
臣。於二十四日。在
闕明園帶領引

見。恭候

欽定甲第名次。

嘉慶四年奏准。本年四月初八日。欽奉
恩詔。會試文武舉人。已經中式者。除過犯黜革外。其有
殿試謄寫錯誤。不合體式者。禮兵二部。察明覈實。准
其再行殿試。欽此。查

殿試謄寫錯誤。不合體式。近科以來。並無因此停
科之人。惟乙卯丙辰二科會試。有因磨勘覆試
罰停

殿試者。應請一體寬免。

嘉慶十四年。奉

上諭。現在保和殿有修理工程。本年四月策試貢士。皆

暫照舊例於太和殿兩廡列坐考試其四月十四日覆試二十八日朝考俱著在文華殿考試欽此

附載駁案

乾隆四十八年議覆御史李嗣壽疏

制策題目應請在

文華殿敬謹刊刻等語查

制策題目由讀卷大臣於

殿試前一日恭領當即繕寫連夜刊刻刷印

文華殿兩廡房間無多每科閱卷大臣在此歇宿

其刊刻工匠及承辦官員應役人等不下百數十人難以安頓且

殿廷重地徹夜燈火尤屬未便應將該御史所奏無庸議又奏稱二甲試卷應通行進

呈等語查二三甲卷俱公同擬定名次於傳臚後交禮部遵照乾隆二十六年欽奉

諭旨另派大臣數員覆行察看如有標識懸絕者即行據出進

呈候

旨近科以來有以說錯違式將二甲卷奏明移置三甲

末者亦有以三甲前列卷奏明移置在後者是

二三甲名次雖經讀卷大臣擬定原聽

欽派大臣逐卷再加察看果有標識懸殊即應指出進

呈請

旨辦理定例已屬詳慎周密不須更定章程所奏亦毋

庸議

嘉慶二十五年奉

上諭御史陳鴻奏嚴禁殿廷考試閱卷之弊一摺據稱

近日庶吉士散館貢士覆試朝考每于試竣後向素

識之大員分送詩片冀圖暗中關照請飭各大臣毋

許收閱詩片倘有私行送閱者立即叅辦等語所奏

是每逢考試私送詩片朕所素知此即係營求囑託

自應嚴行禁止覆試朝考散館在邇倘有私送詩片

之人立即指明叅辦以杜鑽營至該御史奏請於散

館等試校下閱卷大臣分卷之後各人分定甲乙將

所閱之卷

欽定等第名次所奏大失體制朕簡

派校閱試卷諸臣皆係可信之人惟在大臣秉公持正自能絕奔競之私若其人稍有瞻顧朕亦祇能就其擬取各卷親加批閱焉能徧覽不錄之卷於杜弊仍屬無益况朕日理萬幾宵旰勿遑衆所共知若如該御史所奏諸大臣概不可信防之不已勢必將鄉會試取中數百卷皆待朕親閱有是理乎似此妄議紛更所奏斷不可行著毋庸議欽此

道光元年咨覆雲南巡撫咨進士侯錫珪梁之儒楊席珍等

殿試試卷內均有錯悞應否再行

殿試查進士侯錫珪等業經

殿試歸班銓選未便准其再應

殿試

咸豐元年議覆御史王茂蔭奏稱

殿試

朝考務重文義請嗣後令讀卷閱卷大臣不論字

體工拙專取學識過人之卷進呈

欽定以後批明刊發使天下曉然於

朝廷所重在文不在字等語查
殿試對策

朝考論疏皆屬應

制體裁其文義通暢書法端楷者自應登諸上選即

或字畫稍拙而詞義典雅者亦在甄拔之例若
字體潦草錯落過多即不足以呈

御覽非抑文而重字亦體制宜然至閱卷大臣批明

刊發一節查

殿試試卷由讀卷大臣擬定甲乙進呈
欽定

朝考試卷由閱卷大臣擬定等第進呈

欽定既經進呈以後礙難再行加批刊刻該御史所
奏應毋庸議